



21 Mac 2013
21 March 2013
P.U. (A) 100

WARTA KERAJAAN PERSEKUTUAN

FEDERAL GOVERNMENT GAZETTE

PERINTAH CUKAI AKTIVITI PERNIAGAAN LABUAN (PENGEQUALIAN) (NO. 2) 2013

LABUAN BUSINESS ACTIVITY TAX (EXEMPTION) (NO. 2) ORDER 2013



DISIARKAN OLEH/
PUBLISHED BY
JABATAN PEGUAM NEGARA/
ATTORNEY GENERAL'S CHAMBER

AKTA CUKAI AKTIVITI PERNIAGAAN LABUAN 1990

PERINTAH CUKAI AKTIVITI PERNIAGAAN LABUAN (PENGECCUALIAN) (NO. 2) 2013

PADA menjalankan kuasa yang diberikan oleh subseksyen 26(1) Akta Cukai Aktiviti Perniagaan Labuan 1990 [*Akta 445*], Menteri membuat perintah yang berikut:

Nama dan permulaan kuat kuasa

1. (1) Perintah ini bolehlah dinamakan **Perintah Cukai Aktiviti Perniagaan Labuan (Pengecualian) (No. 2) 2013**.

(2) Perintah ini hendaklah berkuat kuasa mulai tahun taksiran 2013 dan tahun-tahun taksiran berikutnya.

Tafsiran

2. Dalam Perintah ini—

“Insentif Global bagi Perdagangan” ertinya program insentif bagi Syarikat Perdagangan Komoditi Antarabangsa Labuan untuk menggunakan Malaysia sebagai pangkalan perdagangan antarabangsa bagi menjalankan aktiviti yang layak;

“Syarikat Perdagangan Komoditi Antarabangsa Labuan” ertinya syarikat Labuan yang—

- (a) diperbadankan atau didaftarkan di bawah Akta Syarikat Labuan 1990 [*Akta 441*];
- (b) dilesenkan didaftarkan di bawah seksyen 92 Akta Perkhidmatan Kewangan dan Sekuriti Labuan 2010 [*Akta 704*];
- (c) mengekalkan pejabat berdaftar di Labuan tetapi dibenarkan menjalankan pejabat urusannya di mana-mana dalam Malaysia; dan

- (d) menjalankan aktiviti yang layak di bawah program Insentif Global bagi Perdagangan;

“aktiviti yang layak” ertinya perdagangan dalam instrumen fizikal dan terbitan yang berkaitan bagi—

- (a) produk petroleum dan berkaitan petroleum termasuk cecair gas asli;
- (b) galian;
- (c) produk pertanian;
- (d) bahan mentah yang ditapis;
- (e) bahan kimia; dan
- (f) galian asas,

dalam mata wang selain Ringgit.

Pengecualian

3. Menteri mengecualikan Syarikat Perdagangan Komoditi Antarabangsa Labuan daripada peruntukan subseksyen 7(1) Akta.

Akaun dan sumber berasingan

4. (1) Jika Syarikat Perdagangan Komoditi Antarabangsa Labuan menjalankan aktiviti yang layak yang disebut dalam perenggan 2, dan apa-apa aktiviti atau perniagaan lain, setiap daripada aktiviti atau perniagaan itu hendaklah dianggap sebagai suatu punca aktiviti atau perniagaan yang berasingan dan berlainan.

(2) Syarikat Perdagangan Komoditi Antarabangsa Labuan yang dikecualikan di bawah perenggan 3, hendaklah menyenggara akaun berasingan bagi pendapatan yang diperoleh daripada setiap aktiviti yang disebut dalam subperenggan (1).

Ketidakpakaian

5. Perintah ini tidak terpakai kepada Syarikat Perdagangan Komoditi Antarabangsa Labuan yang hanya menjalankan perdagangan dalam instrumen fizikal dan terbitan yang berkaitan bagi cecair gas asli, bagi tiga tahun pertama operasinya.